

Radøy kommune

Saksframlegg

Saknr	Utval	Type	Dato
071/2017	Formannskapet i Radøy	PS	09.11.2017

Sakshandsamar	Arkivsaknr.:	Dokumentnr.:
Arthur Kleiveland	17/2136	17/13483

Meldingar og referatsaker

Saksopplysingar:

Det vert lagt fram følgjande meldingar og referatsaker:

- Hordaland og Sogn og Fjordane blir Vestlandet – info frå Hordaland fylkeskommune
- Ordinært skjønstilskot 2018 – Fylkesmannen i Hordaland
- Nordhordland Revisjon IKS – møteutskrift 16. oktober 2017
- Søknad frå stiftinga Tjorehagen om kommunal støtte
- Stiftinga Tjorehagen – årsrekneskap 2016-2017
- Lovlegkontroll - Tildeling av midlar frå næringsfond - Fylkesmannen i Hordaland
- Fellesnemnda for Alver kommune - orientering
- Orientering frå rådmann og ordførar

Rådmannen sitt framlegg til vedtak:

Meldingar og referatsaker vert tekne til orientering

Formannskapet i Radøy - 071/2017

FS - handsaming:

Samråd mellom eldrerådet og råd for menneske med nedsett funksjonsevne

Representant for eldrerådet og råd for menneske med nedsett funksjonsevne var i samråd med formannskapet om budsjett for 2018. Dette er ei oppfølging av eit samrådsmøte mellom råda og formannskapet tidlegare i vår.

Nestleiar i Råd for menneske med nedsett funksjonsevne, May Britt V. Gjerde, og Magnar Klausen i eldrerådet la fram råda sine innspel for formannskapet.

På samrådsmøtet la Gjerde fram følgjande på vegne av RMNF:

- Det må leggjast til rette badeplass for rørslehemma (universell utforming og tilkomst)
- Det må monterast handikap-inngang til kommunestyresalen. Ordninga med heis er ei dårleg og usikker løysing for rullestolbrukarar
- Det er behov for brukarstyrt heis i terapibassenget i Radøyhallen
- Det er behov for breiare badestige i terapibassenget, for å gjera tilgangen lettare for rørslehemma
- Det er viktig å få ut informasjon til alle husstandar om velferdsteknologi

Magnar Klausen la fram følgjande på vegne av eldrerådet:

Eldrerådet etterlyser eit dagtilbod for ulike brukargrupper blant eldre og blant personar knytt til rus- og psykiatriomsorga som ikkje har lovfesta rett til tilbod. Rådet har inntrykk at det er eit udekk

behov, og ber om ei kartlegging. Å sikra dagtilbod for personar med behov vil vera forebyggjande og gje stor auke i livskvaliteten. Eldrerådet vil be administrasjonen om å vurdere bruk av midtre del av tidlegare Radøy sjukeheim til dagsenter.

Rådet har drøfta situasjonen for omsorgspersonar som treng avlastning. Det kan hjelpa mykje på motivasjonen deira dersom dei kan forutsjå feriar og fridagar. Ei ordning der det vert avsett eit visst tal rom som inngå i ei rullerande avlastningsordning, kan spare mykje krefter. Eldrådet vil i første omgang be om at behovet vert kartlagt. Rådet vurderer avlastning som eit området der ein bør få på plass ei god og stabil ordning. Eldrerådet ber om at behovet for avlastningsplassar vert kartlagt. Det er viktig at omsorgspersonar får ein forutsigbar kvardag der dei til ei kvar tid veit når dei får avlastning.

Ordførar Jon Askeland ba om at rådmannen kjem tilbake med ei vurdering av innspela frå råda til neste møte.

Idrettsrådet - budsjett: Leiar i Radøy idrettsråd, Bjørn Ove Myking, la fram rådet sitt innspel til budsjett for 2018. Han er glad for veksten som har kome i løyvinga til vedlikehald/anlegg. Idrettsrådet ber om at løyvingane til kulturmidlane blir auka med 40.000 kroner, noko Myking seier vil koma både idrett og kultur til gode. Han ber også om tilskot til idrettsrådet sitt arbeid, og peika på at rådet vil arrangera og delta på møte og konferansar, mellom anna for idrettslag og idrettsråda i dei tre kommunane som går saman i Alver kommune. Han opplyste at idrettsråda i dei tre kommunane har etablert si eiga fellesnemnd.

Fellesnemnd for Alver kommune: Rådmann Jarle Landås informerte om at nyttilsett programansvarleg/rådmann i Alver kommune, Ørjan Raknes Forthun, skal ha kontor på rådhuset på Manger ein dag i veka (onsdag) frå 15. november. Tilsvarande skal han ha kontordag i Meland kvar måndag. Rådmannen sa at Raknes Forthun har starta arbeidet med å rigga prosjekt-organisasjonen for Alver kommune.

Kiristi Gjetle Floen (A) stilte spørsmål ved bemanninga og arbeidspresset på rådhuset etter kvart som det blir fleire oppgåver knytt til ny kommune, samtidig som drifta i dagens Radøy kommune skal oppretthaldast.

Rådmannen peika på at kommunen har ein god organisasjon, som samtidig er svært sårbar, noko som t.d. merkast når kommunalsjef og rådgjevar for oppvekst slutta samtidig. Rådmannen ser at situasjonen for det administrative nivået vil verta utfordrande etter kvart som vi i stadig større grad er på veg inn i Radøy kommune.

Sambandet Vest: Ordførar Jon Askeland orienterte om eigarmøte i Sambandet Vest. Dei tre Alver-kommunane har i tilknytning til samanslåings-prosessen fått 5 mill. frå staten til planleggingspengar for Sambandet Vest. Ordføraren sa at det er semje mellom eigarkommunane at desse midlane skal brukast til planlegging av prosjekt knytt til vår del av regionen.

Tjorehagen - søknad om støtte: Stiftinga Tjorehagen har søkt om kommunalt støtte på årleg basis. Etter ei kort drøfting vart det konkludert med at denne saka blir vurdert i formannskapet si budsjetthandsaming i møte 23. november.

Kommunalt fond til grøfting i landbruket

Rådmann Jarle Landås viste til politisk bestilling av ei sak om fond for grøfting i landbruket, og konstaterte at utfrå den økonomiske situasjonen har rådmannen ikkje funne plass til dette tiltaket i budsjettet for 2018. Rådmannen la fram eit notat frå landbrukssjefen om mogleg tilskot, der han peikar på at grøfting vil auka lønsemda og auka tal dekar slåttemark med fungerande grøftesystem. Landbrukssjefen konkluderer i notatet med at det vil vera ein effekt av midlane, men han er usikker på kor stor effekten vil vera.

Heis ved Manger skule: Kenneth Taule Murberg (H) tok opp eit innspel knytt til universell tilkomst til personalheis i vestfløyen ved Manger skule. Ordføraren ber administrasjonen sjå på denne saka til neste møte.

Barnehage-innspel: Ordføraren viste til innspel frå eit par foreldre knytt til Bø barnehage vedkomande info i høve bygging av ny barnehage. Ordføraren viste til at det er rådmannen som handterer slike saker.

Møteplan 1. halvår 2018

Formannskapet drøfta møteplan for 1. halvår 2018. Følgjande møteplan vart vedteken:

Januar

24. januar: Hovudutvalet
25. januar: Formannskapet

Februar

15. februar: Kommunestyret

Mars

7. mars: Hovudutvalet
15. mars: Formannskapet

April:

12. april: Kommunestyret
19. april: Formannskapet

Mai

2. mai: Hovudutvalet
3. mai: Formannskapet

Juni

7. juni: Formannskapet
13. juni: Hovudutvalet
14. juni: Kommunestyret

Formannskapet tok meldingar og referatsaker til orientering, med tillegg som kom fram i møtet.

FS - vedtak:

Meldingar og referatsaker vert tekne til orientering.

Vedlegg:

Hordaland og Sogn og Fjordane blir Vestlandet - info Hordaland fylkeskommune
Ordinært skjønnsstilskot 2018
Nordhordland Revisjon IKS_møteutskrift 16_okt_2017
Søknad støtte fra Radøy kommune - Tjorehagen
Søknad Tjorehagen_vedlegg- Årsrekneskap 2016 - 2017
Lovlegheitskontroll - Tildeling av midlar fra næringsfond_Fylkesmannen i Hordaland